

ՊԱՅՄԱՆԱԳԻՐ _____

ԷԼԵԿՏՐԱԷՆԵՐԳԻԱՅԻ (ՀՉՈՐՈՒԹՅԱՆ) ԱՌՈՒՎԱՃԱՌՔԻ (10 ՄՎտ և ավելի տեղակայված հզորություն ունեցող արտադրող- բաշխող)

« ____ » « _____ » 200_ թվական

թ. _____

(արտադրող ընկերության անվանումը)

այսուհետ՝ Վաճառող, ի դեմս _____

(պաշտոնը, անունը, ազգանունը)

ղեկավարվելով ընկերության կանոնադրությամբ, գործունեության լիցենզիայով,
Հայաստանի Հանրապետության օրենքներով և այլ իրավական ակտերով, մի կողմից,
և

(ընկերության անվանումը)

այսուհետ՝ Գնորդ, ի դեմս _____

(պաշտոնը, անունը, ազգանունը)

ղեկավարվելով ընկերության կանոնադրությամբ, գործունեության լիցենզիայով,
Հայաստանի Հանրապետության օրենքներով և այլ իրավական ակտերով, մյուս
կողմից, այսուհետ համատեղ կոչվելով Կողմեր, կնքեցին սույն պայմանագիրը
(այսուհետ՝ Պայմանագիր) հետևյալի մասին.

1. Պայմանագրում օգտագործված հասկացությունները

Հաղորդող՝ էլեկտրական էներգիայի (հզորության) հաղորդման լիցենզիա ունեցող իրավաբանական անձ.

Համակարգի օպերատոր՝ էլեկտրաէներգետիկական համակարգի օպերատորի լիցենզիա ունեցող իրավաբանական անձ.

Հանձնաժողով՝ Հայաստանի Հանրապետության հանրային ծառայությունները կարգավորող հանձնաժողով.

Հաշվարկային ամիս՝ ժամանակահատված, որի գործողությունը սկսվում է օրացուցային ամսվա առաջին օրվա ժամը 00⁰⁰-ին և ավարտվում է վերջին օրվա ժամը 24⁰⁰-ին.

Հաշվարկային կենտրոն՝ էլեկտրաէներգետիկական շուկային հաշվարկային կենտրոնի ծառայության մատուցման լիցենզիա ունեցող իրավաբանական անձ.

Հատուկ հաշիվ՝ Գնորդի կողմից Հայաստանի Հանրապետության առևտրային բանկում բացված հաշիվ, որի միջոցով Գնորդը կատարում է վճարումներ Վաճառողին և էլեկտրաէներգետիկական համակարգի լիցենզավորված այլ անձանց:

2. Պայմանագրի առարկան

2.1 Վաճառողը վաճառում, իսկ Գնորդը գնում է էլեկտրաէներգիա (հզորություն)՝ Պայմանագրով սահմանված կարգով:

3. Վաճառքի սակագինը

3.1 Էլեկտրաէներգիայի (հզորության) վաճառքի սակագինը սահմանում է Հանձնաժողովը: Օրենքով սահմանված կարգով էլեկտրաէներգիան (հզորությունը) կարող են վաճառվել Հանձնաժողովի սահմանած սակագնից ավելի ցածր գնով: Էլեկտրաէներգիայի (հզորության) վաճառքի գինը ամրագրվում է N1 հավելվածում:

3.2 Հանձնաժողովի կողմից սակագնի փոփոխման դեպքում նոր սակագինը ուժի մեջ է մտնում Հանձնաժողովի սահմանած ժամկետից: Նման դեպքում Կողմերը պարտավոր են համապատասխան փոփոխություններ կատարել N1 հավելվածում:

4 Կողմերի պարտականությունները

4.1 Կողմերը պարտավորվում են ղեկավարվել «Էներգետիկայի մասին» Հայաստանի Հանրապետության օրենքով, սույն պայմանագրով, գործունեության լիցենզիայով, Հայաստանի Հանրապետության օրենսդրությամբ, Հանձնաժողովի ընդունած իրավական ակտերով:

4.2 Վաճառողը պարտավորվում է.

ա) ապահովել էլեկտրաէներգիայի առաքումը Գնորդին սահմանազատման (առաքման) կետերում՝ էլեկտրաէներգիայի առուվաճառքի նախնական ամսական չափաքանակների և պայմանագրային հզորության սահմաններում (հավելված N2)

բ) ապահովել Պայմանագրի N2 հավելվածում ամրագրված հզորությունների պատրաստականությունը.

գ) իրականացնել իր սեփականությունը հանդիսացող, Պայմանագրով ամրագրված առևտրային հաշվառքի սարքերի սպասարկումը, պահպանումը.

դ) անհապաղ տեղեկացնել Գնորդին, Հաղորդողին և Հաշվարկային կենտրոնին իր էլեկտրակայանքներում տեղադրված առևտրային հաշվառքի սարքերի խափանման (թերությունների) մասին և ոչ ուշ, քան [24_48](#) ժամվա ընթացքում Գնորդի մասնակցությամբ վերացնել այն՝ Գնորդի_հետ_համատեղ_կազմված համապատասխան_ակտերը_ներկայացնելով_Հաշվարկային_կենտրոն: Նշված ժամանակահատվածում առևտրային հաշվառքի սարքերով չհաշվառված էլեկտրաէներգիայի քանակությունը հաշվառվում է էլեկտրաէներգիայի (հզորության) հաշվառման կարգի 2.3 կետի համաձայն.

ե) Գնորդի հետ համաձայնեցված կարգով ապահովել Գնորդի լիազոր ներկայացուցչի մուտքը իր տարածք՝ անհրաժեշտ զննումներ (ստուգումներ) կատարելու համար:

4.3 Գնորդը պարտավորվում է.

ա) գնել Վաճառողի առաքած էլեկտրաէներգիան (հզորությունը) և վճարել դրա համար՝ Պայմանագրով սահմանված կարգով.

բ) էլեկտրաէներգիայի պայմանագրային չափաքանակների կամ պայմանագրային հզորությունների փոփոխություն նախատեսելու դեպքում, մինչև յուրաքանչյուր ամսի 20-ը, Վաճառողի և Համակարգի օպերատորի համաձայնեցմանը ներկայացնել էլեկտրաէներգիայի սպառման հաջորդ ամսվա չափաքանակների և պայմանագրային հզորությունների փոփոխման վերաբերյալ հայտը, որի հիման վրա կնքվում է համաձայնագիր

գ) կնքել համապատասխան պայմանագրեր Համակարգի օպերատորի, Հաշվարկային կենտրոնի և Հաղորդողի հետ, այդ պայմանագրերով պատվիրել համապատասխան ծառայություններ՝ ինքնուրույն և իր հաշվին կատարելով այդ ծառայությունների դիմաց վճարումները: Պատվիրված ծառայությունները մատուցողների կողմից պետք է իրականացվեն գոծունեության լիցենզիայի պայմանների, Հանձնաժողովի ընդունած իրավական ակտերի, տեխնիկական կանոնակարգերի և Հայաստանի Հանրապետության օրենքների ու այլ իրավական ակտերի պահանջներին և պայմաններին համապատասխան:

5. Էլեկտրական էներգիայի (հզորության) հաշվառումը

- 5.1. Վաճառողի կողմից Գնորդին առաքված էլեկտրաէներգիան (հզորությունը) հաշվառում է Հաշվարկային կենտրոնը՝ էլեկտրաէներգիայի (հզորության) հաշվառման կարգի համաձայն:
- 5.2. Առաքված էլեկտրաէներգիայի հաշվառումը Հաշվարկային կենտրոնը կատարում է Վաճառողի սահմանազատման կետերի համար՝ Պայմանագրի N 3 հավելվածում ամրագրված հաշվառքի սարքերից ստացված հաշվառման տվյալների հիման վրա:
- 5.3 Հաշվարկային_ամսվա_վերջի_դրությամբ_հաշվառքի_սարքերի_տվյալների_հիման վրա_Հաշվարկային կենտրոնը_կազմում_է վճարման ենթակա էլեկտրաէներգիայի վերաբերյալ ակտը և ներկայացնում___Կողմերի ստորագրմանը մինչև Հաշվարկային ամսվան հաջորդող ամսվա_____ -ը:

5.4 Վճարման ենթակա հզորությունը Հաշվարկային կենտրոնը հաշվառում է Համակարգի օպերատորի կողմից ներկայացված Վաճառողի պատրաստ հզորությունների վերաբերյալ տեղեկատվության հիման վրա: Եթե Հաշվարկային ամսվա համար Համակարգի օպերատորի կողմից ներկայացված Վաճառողի պատրաստ հզորությունների վերաբերյալ տեղեկատվության մեջ ամրագրված են փաստացի պատրաստ հզորության տարբեր մակարդակներ, ապա որպես Վաճառողին վճարման ենթակա հզորություն հաշվառվում է դրանց միջին կշռության մեծությունը: Ընդ որում, Հաշվարկային ամսվա համար այն չի կարող գերազանցել պայմանագրում ամրագրված մեծությունը:

6. Վճարման կարգը

- 6.1 Հաշվարկային ամսվան հաջորդող ամսի 5-ից Գնորդի հատուկ հաշվում մուտքագրված գումարները Վաճառողի կողմից Հաշվարկային ամսվա ընթացքում վաճառված էլեկտրաէներգիայի (հզորության) արժեքի չափով գրավադրվում են Վաճառողի օգտին՝ մինչև Գնորդի կողմից Վաճառողի նկատմամբ Հաշվարկային ամսվա վերջի դրությամբ առկա պարտավորությունների լրիվ կատարումը:
- 6.2 Վճարման ենթակա էլեկտրաէներգիայի (հզորության) վերաբերյալ ակտը (հավելված N4) ստորագրելուց հետո մինչև Հաշվարկային ամսվան հաջորդող ամսի 15-ը Վաճառողն իր կողմից վաճառված էլեկտրաէներգիայի (հզորության) համար կազմում է հաշիվ-ապրանքագիր և ներկայացնում Գնորդին:
- 6.3 Գնորդը Հաշվարկային ամսվա ընթացքում գնված էլեկտրաէներգիայի (հզորության) դիմաց վճարումը կատարում է իր Հատուկ հաշվից՝ մինչև Հաշվարկային ամսվան հաջորդող ամսի 25-ը:
- 6.4 Վաճառողի և Գնորդի միջև գրավոր համաձայնության (պայմանագրի) առկայության դեպքում Գնորդը կարող է իրականացնել ոչ դրամային վճարումներ:

7. Կողմերի պատասխանատվությունը

- 7.1 Պայմանագրային պարտավորությունները չկատարելու կամ ոչ պատշաճ կատարելու դեպքում Կողմերը պատասխանատվություն են կրում սույն պայմանագրով և Հայաստանի Հանրապետության օրենսդրությամբ սահմանված կարգով:
- 7.2 Սույն պայմանագրի 6.3 կետում նշված վճարման ժամկետի խախտման դեպքում, Հաշվարկային ամսվան հաջորդող ամսի 30-ից Գնորդը վճարում է տույժ՝ յուրաքանչյուր ուշացված օրվա համար չվճարված գումարի 0.1 տոկոսի չափով: Ընդ որում, առաջնահերթության կարգով վճարվում է տույժը, ապա չվճարված գումարը:

8. Ֆորս մաժորային իրավիճակներ

- 8.1 Կողմերն ազատվում են պայմանագրային պարտավորությունների չկատարման կամ ոչ պատշաճ կատարման համար պատասխանատվությունից, եթե դրանք հետևանք են արտակարգ և անկանխելի դեպքերի և հանգամանքների, որոնք ստեղծվել են Կողմերի կամքից անկախ, ներառյալ (սակայն չսահմանափակվելով դրանցով) բնական աղետները, բնության ուժերի արտասովոր ուժեղ դրսևորումները, ինչպես, օրինակ, ջրհեղեղները, երկրաշարժերը, փոթորիկները, պտտահողմերը, ինչպես նաև սաբոտաժային գործողություններ, ահաբեկչություններ, պատերազմներ, ապստամբություններ, հասարակական անկարգություններ, գործադուլներ, որոնք խոչընդոտում են Կողմերի գործունեությանը կամ հանգեցնում նրանց ստանձնած ցանկացած պարտավորության կատարման ձգձգման կամ դադարեցման՝ հակառակ նրանց գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը:
- 8.2 Կողմերը պարտավոր են վերոհիշյալ վիճակների մասին անհապաղ տեղեկացնել միմյանց՝ նշելով դրանց հետևանքների վերացման հնարավոր ժամկետները:

9. Լրացուցիչ պայմաններ

- 9.1. Առևտրային և վերստուգիչ հաշվառքի սարքերն ու դրանց միացման շղթաները ստուգում և կապարակնքում են Կողմերը՝ Հաշվարկային կենտրոնի մասնակցությամբ:
- 9.2. Առևտրային և վերստուգիչ հաշվառքի սարքերի սպասարկումն ու շահագործումն ապահովվում է սեփականատերերի կողմից՝ իրենց միջոցներով: Առևտրային և վերստուգիչ հաշվառքի սարքերի փոխարինման դեպքում Կողմերը և Հաշվարկային կենտրոնը—համատեղ կազմում են համապատասխան ակտ՝ այն ներկայացնելով Հաշվարկային կենտրոն:
- 9.3. Էլեկտրաէներգետիկական համակարգի վթարային իրավիճակներում Համակարգի օպերատորն՝ Գնորդի—անունից իրավունք ունի փոխել Վաճառողի՝ նախօրոք հայտարարված բեռնվածքի օրական գրաֆիկը՝ տեղյակ պահելով Գնորդին այդ մասին տեղեկացնելով Կողմերին:
- 9.4. Կրիտիկական (վթարային) իրավիճակների սկիզբն ու ավարտը հայտարարում է Համակարգի օպերատորը՝ այդ մասին անհապաղ տեղեկացնելով Կողմերին՝ համաձայն Հանձնաժողովի սահմանած կարգի:
- 9.5. Կողմերը պարտավոր են անվերապահորեն կատարել Համակարգի օպերատորի՝ իր լիազորությունների սահմաններում տրված կարգավարական կարգադրությունները (հրահանգները):
- 9.6. Կողմերը պարտավոր են Պայմանագրի պատճենները տրամադրել Հաշվարկային կենտրոնին և Համակարգի օպերատորին:
- 9.7. Վաճառողն էլեկտրաէներգետիկական համակարգի լիցենզավորված այլ անձանց հետ էլեկտրաէներգիայի (հզորության) առուվաճառքի պայմանագիր կնքելիս այդ մասին տեղեկացնում է Գնորդին և Համակարգի օպերատորին:
- 9.8. Պայմանագրով ամրագրված էլեկտրաէներգիայի նախնական ամսական չափաքանակները և պայմանագրային հզորությունները կարող են փոփոխվել Կողմերի կամ Համակարգի օպերատորի նախաձեռնությամբ:

10. Տարաձայնությունների լուծումը

- 10.1 Պայմանագրի առնչությամբ Կողմերի միջև ծագած վեճերը լուծվում են բանակցությունների միջոցով, իսկ Կողմերից մեկի գրավոր դիմումի դեպքում՝ Հանձնաժողովի միջնորդությամբ՝ նրա կողմից սահմանված կարգով: Սույն պայմանը չի սահմանափակում Կողմերի իրավունքը՝ վեճերը լուծելու դատական կարգով:
- 10.2 Եթե տարաձայնության առարկան Հաշվարկային կենտրոնի կողմից ներկայացված վճարման ենթակա էլեկտրաէներգիայի (հզորության) վերաբերյալ ակտն է, ապա ցանկացած դեպքում Կողմերը պարտավոր են ստորագրել այդ ակտը, իսկ Գնորդը պարտավոր է կատարել վճարումը, որից հետո միայն լուծել տարաձայնությունը: Տարաձայնություն ունեցող կողմը պարտավոր վճարման ենթակա էլեկտրաէներգիայի (հզորության) վերաբերյալ ստորագրած ակտին կցել հատուկ կարծիք:

11. Այլ պայմաններ

(լրացնում են Կողմերը՝ կախված Վաճառողի հիմնական սարքավորումների առանձնահատկություններից, ըստ Կողմերի հայեցողության)

12. Պայմանագրի գործողության ժամկետը և փոփոխման կարգը

- 12.1 Պայմանագիրն ուժի մեջ է մտնում Հանձնաժողովում գրանցման պահից և գործում է մինչև 200__թվականի_____:
- 12.2 Պայմանագիրը կարող է փոփոխվել փոխադարձ համաձայնությամբ: Փոփոխված պայմանագիրը ուժի մեջ է մտնում Հանձնաժողովում գրանցման պահից:
- 12.3 Հանձնաժողովի կողմից էլեկտրաէներգիայի (հզորության) առուվաճառքի (10ՄՎտ և ավելի տեղակայված հզորություն ունեցող արտադրող-բաշխող) պայմանագրի նոր օրինակելի ձև հաստատելու կամ գործող օրինակելի ձևում

փոփոխություններ կամ լրացումներ կատարելու դեպքում Կողմերը պարտավոր են Հանձնաժողովի սահմանած ժամկետում կնքել նոր պայմանագիր կամ համապատասխան փոփոխություններ կամ լրացումներ կատարել գործող պայմանագրերում՝ ներկայացնելով դրանք Հանձնաժողովի գրանցմանը: Պայմանագիրն ուժի մեջ է մտնում Հանձնաժողովում գրանցվելու պահից:

12.4 Պայմանագիրը կազմված է 3 օրինակից՝ մեկական Կողմերի և Հանձնաժողովի համար:

13. Պայմանագրի անբաժանելի մաս կազմող հավելվածների ցանկը

Հավելված N1 Էլեկտրաէներգիայի (հզորության) գնի մասին համաձայնագիր

Հավելված N2 Էլեկտրաէներգիայի նախնական չափաքանակների և պայմանագրային հզորության մասին համաձայնագիր

Հավելված N3 Վաճառողի սահմանազատման (առաքման) և Էլեկտրաէներգիայի հաշվառման կետերի մասին համաձայնագիր

Հավելված N4 Վճարման ենթակա Էլեկտրաէներգիայի (հզորության) վերաբերյալ ակտ

14. Կողմերի գտնվելու վայրը և հաշվարկային համարները

Վաճառող՝
 գտնվելու վայրը _____
 Հ/հ _____
 Հեռախոս
 Ֆաքս
 Գործունեության լիցենզիա N
 Ղեկավար

Գնորդ՝
 գտնվելու վայրը _____
 Հ/հ _____
 Հեռախոս
 Ֆաքս
 Գործունեության լիցենզիա N
 Ղեկավար

(ստորագրություն, անուն, ազգանուն)

Կ.Տ.

(ստորագրություն, անուն, ազգանուն)

Կ.Տ.

Հայաստանի Հանրապետության հանրային ծառայությունները կարգավորող		
հանձնաժողով		
Գրանցված է	«_____» _____ 200__թվական	
Գրանցման N	_____	Կ.Տ.
Պատասխանատու	_____	
	(ստորագրություն, անուն, ազգանուն)	

**Համաձայնագիր
Էլեկտրաէներգիայի (հզորության) գնի մասին**

1. Սույն համաձայնագրով Գնորդը և Վաճառողը փոխադարձ համաձայնությամբ սահմանում են էլեկտրական էներգիայի (հզորության) հետևյալ սակագնային դրույքները.

Էլեկտրական էներգիայի դրույքը՝ _____ դրամ/կՎտժ.

Էլեկտրական հզորության դրույքը՝ _____ դրամ/կՎտամիս.

հաստատագրված վճար՝ _____ դրամ/ամիս

2. Հայաստանի Հանրապետության հանրային ծառայությունները կարգավորող հանձնաժողովի կողմից Վաճառողի համար հաստատված գործող սակագինը հետևյալն է.

Էլեկտրական էներգիայի դրույքը՝ _____ դրամ/կՎտժ.

Էլեկտրական հզորության դրույքը՝ _____ դրամ/կՎտամիս:

հաստատագրված վճար՝ _____ դրամ/ամիս

3. Էլեկտրաէներգիայի (հզորության) գինը ուժի մեջ է մտնում 200_ թվականի _____ «___» -ից և գործում է մինչև 200_ թվականի _____ «___» -ը:

ԳՆՈՐԴ

ՎԱՃԱՌՈՂ

(պաշտոն, ստորագրություն, անուն, ազգանուն)
ազգանուն)

(պաշտոն, ստորագրություն, անուն,

«__» _____ 200_ թվական

«__» _____ 200_ թվական

Կ.Տ.

Կ.Տ.

**Համաձայնագիր
Էլեկտրաէներգիայի առուվաճառքի նախնական չափաքանակների և
պայմանագրային հզորության մասին**

1. Սույն համաձայնագրով Գնորդը և Վաճառողը փոխադարձ համաձայնությամբ սահմանում են Էլեկտրաէներգիայի նախնական չափաքանակները և պայմանագրային հզորությունների հետևյալ մակարդակները.

	Ակտիվ հզորություն(կՎտ)		Էլեկտրաէներգիայի գնման նախնական չափաքանակներ (կՎտժ)
	Պայմանագրային	Այդ թվում « սառը» պահուստային	
Հունվար			
Փետրվար			
Մարտ			
Ապրիլ			
Մայիս			
Հունիս			
Հուլիս			
Օգոստոս			
Սեպտեմբեր			
Հոկտեմբեր			
Նոյեմբեր			
Դեկտեմբեր			

2. Եթե որևէ ամսվա ընթացքում նախատեսվում են ակտիվ հզորության պայմանագրային պատրաստականության տարբեր մակարդակներ, ապա աղյուսակում նշվում են այդ մակարդակները (կՎտ) և դրանց տևողությունները (օր):

3. Սույն համաձայնագրի 1-ին կետում նշված աղյուսակում լրացված Էլեկտրաէներգիայի գնման նախնական չափաքանակները չեն հանդիսանում պայմանագրային մեծություն:

ԳՆՈՐԴ

ՎԱՃԱՌՈՂ

(պաշտոն, ստորագրություն, անուն, ազգանուն)
ազգանուն)

(պաշտոն, ստորագրություն, անուն,

«__» _____ 200__թվական

«__» _____ 200__թվական

Կ.Տ.

Կ.Տ.

Համաձայնեցված է
ՀԱՄԱԿԱՐԳԻ ՕՊԵՐԱՏՈՐ

(պաշտոն, անուն, ազգանուն, ստորագրություն)

«__» _____ 200__թվական
Կ.Տ.

Հավելված N 3

Էլեկտրաէներգիայի (իզոբաթերմալ) առուվաճառքի
200__թվականի _____ «__» N__ պայմանագրի

Համաձայնագիր

Վաճառողի սահմանազատման (առաքման) և

Էլեկտրաէներգիայի հաշվառման կետերի մասին

1. _____-ի (Վաճառող) սահմանազատման (առաքման) կետերն են.

2. Առևտրային և վերստուգիչ հաշվառքի կետերը

Առևտրային հաշվառքի սարքերի տեղադրման վայրերը	Առևտրային հաշվառքի սարքերի համարը	Հոսանքի և լարման տր-ների փոխարկման գործակիցները			Վերահսկիչ հաշվառքի սարքերի տեղադրման վայրերը, N և տեսակը	Հոսանքի և լարման տր-ների փոխարկման գործակիցները		
		$K_{\text{հտ}}$	$K_{\text{լտ}}$	$K_{\text{հտ}} \cdot K_{\text{լտ}}$		$K_{\text{հտ}}$	$K_{\text{լտ}}$	$K_{\text{հտ}} \cdot K_{\text{լտ}}$

Առևտրային հաշվառքի սարքերը տնօրինում և սպասարկում է _____
_____ -ը:

Վերստուգիչ հաշվառքի սարքերը տնօրինում և սպասարկում է _____
_____ -ը:

ԳՆՈՐԴ

ՎԱՃԱՌՈՂ

(պաշտոն, ստորագրություն, անուն, ազգանուն)
ազգանուն)

(պաշտոն, ստորագրություն, անուն,

«__»_____200__թվական

«__»_____200__թվական

Կ.Տ.

Կ.Տ.

Համաձայնեցված է
ՀԱՇՎԱՐԿԱՅԻՆ ԿԵՆՏՐՈՆ

(պաշտոն, անուն, ազգանուն, ստորագրություն)

«__»_____200__թվական
Կ.Տ.

Հավելված N 4
Էլեկտրաէներգիայի (հզորության) առուվաճառքի
200__թվականի _____ «__» N__ պայմանագրի

ԱԿՏ

Վճարման ենթակա էլեկտրաէներգիայի (հզորության) վերաբերյալ

Գնորդ_____

Վաճառող_____

Հաշվարկային ժամանակաշրջան «__» _____ 200__թ. մինչև «__» _____ 200__թ.

Ընդամենը առաքված էլեկտրական էներգիայի քանակությունը՝ _____ կՎտժ

Գնորդ_____

Վաճառող_____

Հաշվարկային ժամանակաշրջան «__» _____ 200__թ. մինչև «__» _____ 200__թ.

Վճարման ենթակա հզորությունները

«__» _____ 200__թ. մինչև «__» _____ 200__թ, _____ կՎտ

«__» _____ 200__թ. մինչև «__» _____ 200__թ, _____ կՎտ

«__» _____ 200__թ. մինչև «__» _____ 200__թ, _____ կՎտ

Հիմքը _____

ՎԱՃԱՌՈՂ

ԳՆՈՐԴ

(պաշտոն, ստորագրություն, անուն, ազգանուն)
ազգանուն)

(պաշտոն, ստորագրություն, անուն,

«__»_____200__թվական

«__»_____200__թվական

Կ.Տ.

Կ.Տ.

ՀԱՇՎԱՐԿԱՅԻՆ ԿԵՆՏՐՈՆ

(պաշտոն, անուն, ազգանուն, ստորագրություն)

«__»_____200__թվական
Կ.Տ.